

25. januar 2019

UPA2019/193

**Piniakkanik killilersukkanik ukiumi pisassiiffiusumi Qilalukkanik qernertanik Qilalukkanik qaqortanik aammalu Nannunik, ukiup qaammataani qaammatit marluk December-imi Januar-milu pisassiiffiujunnaartinneqarnissaannik Naalakkersuisut peqquneqarnissaannik inatsisartut aaliagiiffigisassaattut siunnersuut.**

(Inatsisartunut ilaasortaq Karl-Kristian Kruse, Siumut)

**Tungavilersuut:**

Taamatut siunnersuuteqarnerma tungavigaa 2004-mi qilalukkat qernertat qaqortallu kiisalu 2005-mi Nannut eqqissimatitaalernerisa kingorna Nunatta sineriaani isorartuumi amerlavallaalerneranik ersiuteqartumik piffinni uumasogarfiusuni pisassaaruttarnerup kingunerisaanik inuiaqatigiit sumiiffinnilu najungaqaqtunut annertuumik eqquinerluttualersimanera, allangortinneqartariaqarmat.

Aammalu qaammatit marluk siunnersuuteqarninni tungavigisakka kaperlaap nalerpiaani inis-sisimapput sumiiffiit ilaat qaammaasaavittarlutik ilaanilu qaamaneq 1-tiimimiik 5-tiimimut qaamasarluni taamaattumik piniakkanut taasannut ataatsimilluunniit ikiliartuutaasinnaalernaviaratik taamatut aqqqiisoqarpat.

Ilisimatuussutsikkut taamaallaat aqutsineq pisassiisarnerlu malinneqaannarpata, piniartut aammalu tapertaralungu piniartartut ilisimalikkatik takujualersimasaallu piniakkat pineqartut qilalukkat qernertat qaqortallu amerlasoorujussuannorsimasut, siunissamut ernumanarpoq allannguinnik-kutta nerisareqatigiinnerup kingunerisaanik aalisakka avammut niuernitsinnut annertunerpaamik tungavigisavut innarlerneqarsinnaaneri, taamaattumik Piniartut tapertaralugulu piniartut qaammatini marlunni pisassiiffiunngistumik piniarsinnaalernissaat matumuuna qulakkeertariaqarpoq.

Nannut amerlinerminnik tungaveqartumik karperlaap nalaani inoqarfinnut annguttarnerat naliginnaalerpoq massa piniakkat nujuartavissuungaluarlutik qaqtigoortumillu inoqarfinnut pisartuullutik siusinnerusukkat,

Taamatut inoqarfinnut sineriassuatsinni siammarsimasuni annguttualernerat innutaasut toqqis-sisimallutik inuunissaannut ulorianartorsiortitsipput, allaat inuup inuuneranik kinguneqartitsi-sinnaallutik.

Taamaattumik allannguisoqarnissaa matumuuna siunnersuutigaara pisariaqavimmat allan-  
guinissaq.

Killilersuineq sioqqullungu akaareqatigiittumik ataqqeqatigiittumillu piniaqatigiittarneq anner-tuumik innarlerneqarsimasoq, nunaqqatigiinnut tamanut kaperlaap nalaani neqissaqarnikkut pinngittoorneqarsinnaanngittut takkukkaangata nuannaarutaasaqisullu.

Massakut allaat malersuunnermik akaareqatigiikkunnaarmik piniaqatigiit avissaartuutsinne-qarnerannik immikkoortitsinermik aqquusaagaqarfiulersimasut, allangortittariaqarput.

Piniakkanut inuiaat ataqqinnittuunerat atorluaasuunerallu pinngittuuisinnaannginnerallu periarfissarissaarnerulaarsinnaanerannut matumuuna aqutissiuunneqartariaqarput.

Naggataatingut oqallittarnerni naapertuutinngittuinnaat atorluaanngittoqartorlu nugulerneraa-sullu pisariaqanngittumik inituallaarujussuarput.

Inuiaat pisuussutitsinnik ajunngittumik atorluaanermillu tunngaveqartumik atuisuunerput sammineqarnerusariaqarpoq, sumiiffinnilu najukkatsinni inoqarfiit inoqartuarnerinut tunngaviusut, inuunitsinnilu qangaaniik siunissamilu pinngittoorsinnaanngikkivut nunap inoqqaavisut nunap aqutsisuisut innuttaasut sullitavut ilersornerusariaqarpavut.

Neriullunga inuiaqatigiinnik siammarsimallutik tunumi kujataaniik avannaarsuanut iluaqutaa-laarsinnaammat, partiit maani ilaasortaatitallit manna ilassilluarumaaraat.

Karl-Kristian Kruse